

## ხელშეკრულება N946/06

გამარტივებული შესყიდვის საშუალებით სახელმწიფო შესყიდვის განხორციელების შესახებ

ქ. თბილისი

14 სექტემბერი 2018 წელი

ერთი მხრივ, სსიპ ივანე ჯავახიშვილის სახელობის თბილისის სახელმწიფო უნივერსიტეტი წარმოდგენილი ადმინისტრაციის ხელმძღვანელის ნუნუ ოვსიანიკოვას სახით (შემდგომში „შემსყიდველი“) და მეორე მხრივ, სს „გუდვილი“ წარმოდგენილი მისი დირექტორის გიორგი ხაბაშვილის სახით (შემდგომში „მიმწოდებელი“), დებენ წინამდებარე ხელშეკრულებას შემდეგზე:

### 1. ხელშეკრულების საგანი

1.1. ხელშეკრულების საგანია „სახელმწიფო შესყიდვის შესახებ“ საქართველოს კანონის მე-10<sup>1</sup> მუხლის მესამე პუნქტის „ვ“ ქვეპუნქტის შესაბამისად გამარტივებული შესყიდვის საშუალებით, საქართველოს განათლების, მეცნიერების, კულტურისა და სპორტის სამინისტროსთან გაფორმებული ხელშეკრულების (09-1/76/129 21.08.2018) დაფინანსების ფარგლებში მეცნიერებისა და ინოვაციების ფესტივალზე მოწვეული უცხოელი სტუმრებისთვის სასაჩუქრედ ჩაის (წარმომადგენლობითი ხარჯი CPV 15863000- ჩაი) სახელმწიფო შესყიდვა.

### 2. შესყიდვის ობიექტი და ხელშეკრულების ღირებულება

2.1 შესყიდვის ობიექტის დასახელება, აღწერილობა და ღირებულება:

№	დასახელება	რაოდენობა	ერთ. ფასი	ღირებულება
1	შავი ჩაი, გურიელი, თუნუქის სასაჩუქრე შეფუთვა	60	18.79	1127.40
2	მწვანე ჩაი, გურიელი, თუნუქის სასაჩუქრე შეფუთვა	20	14.49	289.80
3	კენკრის ჩაი, გურიელი, თუნუქის სასაჩუქრე შეფუთვა	21	14.49	304.29
	სულ			1721.49

2.2. შესყიდვის ობიექტის სრული ღირებულება საქართველოს კანონმდებლობით დადგენილი ყველა გადასახადის გათვალისწინებით შეადგენს 1721,49 ლარს (ათასშვიდაცხრამეტი ლარი და 49 თეთრი).

2.3 ხელშეკრულების ღირებულება მოიცავს ხელშეკრულებით გათვალისწინებული საქონლის მოწოდებასთან დაკავშირებულ მიმწოდებლის ყველა ხარჯს.

### 3. ხელშეკრულების შესრულების კონტროლი

3.1 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს განხორციელებს სსიპ ივანე ჯავახიშვილის სახელობის თბილისის სახელმწიფო უნივერსიტეტის საგარეო ურთიერთობის დეპარტამენტის უფროსი თეა გერგედავა.

3.2 ინსპექტირება გულისხმობს ხელშეკრულების პირობების შესრულების, აგრეთვე მიწოდებული ან მისაწოდებელი შესყიდვის ობიექტის და მასთან დაკავშირებული მომსახურების ხარისხის კონტროლს.

3.3 ყველა გამოვლენილი დეფექტის ან ნაკლის აღმოფხვრასთან და განმეორებით ინსპექტირებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

### 4. ანგარიშსწორების ფორმა, ვადები და პირობები

4.1 ანგარიშსწორება ხორციელდება უნაღდო ანგარიშსწორებით ეროვნულ ვალუტაში.

4.2. ანგარიშსწორება იწარმოებს ფაქტიურად მოწოდებული საქონლის ღირებულების შესაბამისად, მხარეთა შორის გაფორმებული მიღება-ჩაბარების აქტისა და მიმწოდებლის მიერ წარმოდგენილი ანგარიშ-ფაქტურის/სასაქონლო ზედნაღებების ხელშეკრულების 3,1 პუნქტით განსაზღვრული პირის მიერ შედგენილი დადებითი დასკვნის წარმოდგენიდან 10 სამუშაო დღის განმავლობაში.

4.3. წინასწარი ანგარიშსწორება არ გამოიყენება.

## 5. შესყიდვის ობიექტის მიღება-ჩაბარების წესი

5.1 შესყიდვის ობიექტის მიღება ფორმდება მიღება-ჩაბარების აქტისა და წარმოდგენილი შესაბამისი ანგარიშ-ფაქტურის/სასაქონლო ზედნადების ხელშეკრულების 3,1 პუნქტით განსაზღვრული პირის მიერ შედგენილი დადებითი დასკვნის საფუძველზე.

## 6. შესყიდვის ობიექტის მიწოდების ვადები, ადგილი და პირობები.

6.1 მიწოდებელი შესყიდვის ობიექტის მიწოდებას განახორციელებს შემდეგ მისამართზე: ქ. თბილისი, ჭავჭავაძის გამზ. N1

6.2 შესყიდვის ობიექტის მიწოდების ვადაა არაუგვიანეს 22 სექტემბრისა.

## 7. შესყიდვის ობიექტის ხარისხი

7.1 შესყიდვის ობიექტის ხარისხი უნდა შეესაბამებოდეს არსებულ სტანდარტებსა და შემსყიდველი ორგანიზაციის წაყენებულ მოთხოვნებს.

## 8. პირგასამტეხლო ხელშეკრულების პირობების შეუსრულებლობისათვის

8.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს შესაძლებელია დაეკისროთ პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

8.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 3% (სამ) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

8.3. თუ შემსყიდველი დარწმუნდება, რომ შეუძლებელია შესასრულებელი სამუშაოების მოცულობის დასრულება ხელშეკრულებით განსაზღვრული ვადების ამოწურვამდე, იგი უფლებამოსილია ცალმხრივად, ვადაზე ადრე შეწყვიტოს ხელშეკრულება და მიმწოდებელი დააჯარიმოს შეუსრულებელი ვალდებულების 10%-ის ოდენობით.

## 9. ხელშეკრულებაში ცვლილების შეტანა და ხელშეკრულების შეწყვეტა

9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

9.2. ხელშეკრულების ერთ-ერთი მხარის მიერ პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

9.3 ხელშეკრულების 9.2 პუნქტით გათვალისწინებული გადაწყვეტილების მიღების განზრახვის შესახებ მხარე ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

9.4 წერილობითი შეტყობინება არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან ხელშეკრულების შეწყვეტამდე.

## 10. დაუძლეველი ძალა

10.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

10.2 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

**11. ხელშეკრულების ძალაში შესვლისა და მოქმედების ვადა**

11.1 ხელშეკრულება ძალაში შედის ხელშეკრულების თავში მითითებული თარიღიდან და მოქმედებს ხელმოწერ მხარეთა მიერ ნაკისრი ვალდებულებების ამოწურვამდე 2018 წლის 31 დეკემბრის ჩათვლით.

**12. სხვა პირობები**

- 12.1 ხელშეკრულება და მასთან დაკავშირებული ყველა მიმოწერა სრულდება ქართულ ენაზე.
- 12.2 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ წერილობითი ფორმით და ორმხრივი ხელმოწერით დადასტურების შემდეგ.
- 12.3 ხელშეკრულება შედგენილია სამი თანაბარი იურიდიული ძალის მქონე ეგზემპლარად და ინახება მხარეებთან, ერთი „მიწოდებელთან“ და ორი „შემსყიდველთან“.

**13. მხარეთა რეკვიზიტები**

**შემსყიდველი**

სსიპ ივანე ჯავახიშვილის სახელობის თბილისის სახელმწიფო უნივერსიტეტი

**მისამართი:**

თბილისი, ჭავჭავაძის გამზ # 1

**საბანკო რეკვიზიტები:**

სახელმწიფო ხაზინა  
სახ.ბიუჯეტი  
ხელშ. 09-1/76/129 დაფინანსებით

საიდენტიფიკაციო კოდი:  
204864548

თსუ ადმინისტრაციის ხელმძღვანელი:

/ნ.ოვსიანიკოვა/



**მიწოდებელი**

სს „გუდვილი“

**მისამართი:**

ქ. თბილისი, ფარნავაზ მეფის გამზ. N1

**საბანკო რეკვიზიტები:**

თბილისი ბანკი  
TBCBGE22  
GE61TB 3615336020100004  
საიდენტიფიკაციო კოდი: 206343991

სს „გუდვილი“

დირექტორი:

გ.ბაბაშვილი




ინფორმაცია ინტერესთა კონფლიქტის შესახებ

ქ. თბილისი


14 სექტემბერი 2018 წელი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ქვემოთ ჩამოთვლილი თითოეული პირი ხელის მოწერით ადასტურებს, რომ სსიპ ივანე ჯავახიშვილის სახელობის თბილისის სახელმწიფო უნივერსიტეტის მიერ გამარტივებული შესყიდვის მიზნით გაფორმებული ხელშეკრულების N 946/06 შესრულების კონტროლსა და ზედამხედველობის განხორციელებაში სს „გუდვილ“-თან მისი მონაწილეობა არ იწვევს ინტერესთა კონფლიქტს.

თსუ ადმინისტრაციის ხელმძღვანელი  
/ნ. ოვსიანიკოვა/



თსუ ადმინისტრაციის ხელმძღვანელის მოადგილე  
/ლ. სალინაძე/



თსუ საფინანსო დეპარტამენტის უფროსი:  
/ი.სალარეიშვილი/



თსუ იურიდიული დეპარტამენტის უფროსის მ.შ:  
/ვ.ბარამიძე/



თსუ შესყიდვების განყოფილების უფროსი:  
/ს.სანაძე/



თსუ შესყიდვების განყოფილების სპეციალისტი:  
/თ.ქებაძე/

